

БУКУБААР

Букубаар кинигэтэ
Дьэрэкээн ойуулаах
Арыйан көрдөххө
Элбэҕи кэпсиэҕэ.

Дорҕоонтон дорҕоонно
Үөрэтэн иһиэҕэ
Аһаҕас, бүтэй диэн
Быһааран биэриэҕэ.

Сүһүөхтээн ааҕарга
Быһалыы тийбэккин
Судургу тыллары
Суһаллык булбаккын.

Бастатан кыраттан
Дорҕоону билиэххэ
Арааран истэргэ
Тулуйан биэриэххэ.

Учуутал этэрин
Болҕойон истиэххэ
Тулуурдаах дьобуру
Чочуллан ылыахха.

АХСААНЫ БИЛИЭХХЭ

Сыыппара дойдута
Сыыспакка эттэххэ
Сүүһүнэн чыыһыла
Суруллан туруута.

Ахсааны билэргэ
Толкуйдаан эттэххэ
Тобулу өйүнэн
Суоттууру сатыахха.

Бииртэн биир уустугу
Кыраттан саҕалаан
Ыарахан эппиэти
Таһааран иһиэххэ.

Массыына суоттуурун
Кэтэһэн турбакка

Тус-бэйэ өйүнэн
Эппиэти булуохха.

БАЙАНАЙ

Айан суола туруута,
Сэтинньи ый ортото.
Байанай сиэринэн,
Булчуттар ыйдара.

Систэри быһалаан,
Саарбалаан, кырсалаан
Кылааннаах түүлээҕи,
Бултуйан кэлэллэр.

Дьобурдаах булчукка,
Байанай тосхойор.
Өрүүтүн булдунаан,
Маанылаан тоһуйар.

УУ КЫЫҤА

Күн ортото, уу үрдүнэн,
Көтөн истэ уу кыыҥа.
Уу кыыҥа кынталдьыйа,
Кынаттарын сэрбэттэ.

Онтон аргыый набыллык,
Кэлэн окко олордо.
Харахтарын тэрбэттэ,
Кыламанын уһатта.

Уу кыыҥа сэрэммиттии
Сыыйа тардан санарда:
«Тоҕо сайын кэрэтэй?
Сынньанарга, сытарга.

Күүлэй тэбэ сылдыахха,
Табыгастаах бириэмэ.
Толоон, сыһыы үрдүнэн,
Көнгүл босхо көтүөххэ».

Уу кыҥа өрө баран,
Атыттары сэмэлээтэ.
Кымырдаҕастар харбыалаһан,

Күнү-дьылы билбэттэр.

Өрө мөхсөн, үлэлээн
Бэйэлэрин көрүммэттэр,
Дьүһүн-бодо буоланнар,
Сирэйдэрэ дьаабыта.

Ити курдук элэстэтэн,
Хайыы-үйэ тымныйда.
Харамайдар кыһынныга,
Кыстыктарын булуннулар.

Арай били уу кыһа,
Тоҕо кэлэн чуумпурбут.
Кымырдаҕастар боптулар,
Кини дьиэҕэ киирэрин.

«Үс сайыны билбэккэ,
Сыыйа тардан ыллаабытын.
Кыһын кэлиэ суоҕа диэн,
Сэбэрэбин көрүммүтүн».

Ити курдук уу кыһа
Инникитин санаабакка,
Киирэн биэрдэ түмүгэр
Кыһын тымныы илиитигэр.

САҢА ДЬЫЛ

Саҥа дьылбыт, саҥа сылбыт
Тийиэн кэллэ салаллан,
Ырыа-тойук ананна
Саҥа дьылы көрсөргө.

Симэнэн турар харыйа
Күлүмүрдүү сыдыайар,
Кини тула оҕолор,
Хороводтаан тэйэллэр.

Араас дыкти маскарадтар
Ырыа-хоһоон этэллэр,
Үнкүү-битии тэбэnnэр,
Үксэтэллэр үөрүүнү.

Дыкти-кэрэ Саҥа Дьылы

Тымныы Моруос аҕалар,
Кэтэһиилээх киһибит,
Хаарчааналыын киирэн кэлэр.

КЫАЙЫЫ КҮНЭ
Ыам ыйын тоҕус күнэ
Улуу Кыайыы кыһыл күнэ,
Парад өрө ньиргийэр
Тула салют ыталлар.
Норуот чiestиир кыайбыттары
Аныыр махтал тыллары,
Уруй-Айхал ырыата,
Болуоссакка дьийэрэйэр.

Туругурдун Кыайыы күнэ!
Буойуттарга Албан аат,
Ийэ дойду киэн туттар
Бэриниилээх дьонунан!